

Spanish — Si necesita ayuda para traducir o entender este texto, por favor llame al teléfono 1-800-362-3002 (V/TTY).

Russian — Если вам не всё понятно в этом документе, позвоните по телефону 1-800-362-3002 (V/TTY).

Hmong — Yog xav tau kev pab txhais cov ntaub ntauv no kom koj to taub, hu rau 1-800-362-3002 (V/TTY).

Laotian — ຜູ້ອຳນວຍໃນການແປ ຫລື ເຂົ້າໃຈເນື້ອຫາໃນນີ້, ກະລຸນາ ໂທຄະສັບຫາ 1-800-362-3002 (V/TTY).

Cov Kev Pab Cuam Uas Raug Rau Qhov No: BadgerCare Plus, Medicaid, Wisconsin Chronic Disease Program

To: All Wisconsin Chronic Disease Program Members, BadgerCare Plus and Medicaid Members over Age 55, and All Nursing Home Residents

Cov Kev Pauv Ntawm Qhov Mus Muab Nyiaj Rov Qab Los Ntawm Tej Cuab Yeej Cuab Tam Yuav Pib Lub 8 Hlis (August) Tim 1, 2014

Muaj ib cov kev pauv tseem ceeb hauv Qhov Mus Muab Nyiaj Rov Qab Los Ntawm Tej Cuab Yeej Cuab Tam (Estate Recovery Program) vim los ntawm kev siv peev nyiaj 2013-2015 uas tau pom zoo los ntawm Xeev Wisconsin Pawg Tseev Tsim Kev Cai Lij Choj (Wisconsin State Legislature) hauv xyoo 2013. Cov kev pauv no yuav pib lub 8 Hlis (August) tim 1, 2014.

Koj tau txais *ForwardHealth Daim Ntawv Qhia Paub* (*ForwardHealth Update*) no vim yog cov kev pauv no tej zaum yuav muaj feem cuam tshuam rau koj. Koj yuav tsum nyeem *Daim Ntawv Qhia Paub* no kom zoo vim muaj tej yam tshiab los yog muaj tej yam tau pauv lawm.

Lub Hauv Paus

Hauv txoj Kev Mus Muab Nyiaj Rov Qab Los Ntawm Tej Cuab Yeej Cuab Tam, yog lub xeev nrhiav kom them nyiaj rov qab rau cov nuj nqis ntawm **qeev cov** kev pab tu mus sij hawm ntev uas Medicaid thiab BadgerCare Plus tau them rau lawm, thiab tag nrho cov kev pab uas Wisconsin Chronic Disease Program (WCDP) tau them rau lawm. Qhov nyiaj them rov qab no yog muab los ntawm tus tswv cuab (tus tau

txais kev pab) cov khoom ntiag tug (property) tom qab nws tas sim neej los yog los ntawm cov ntauv muaj cai yuav qhov khoom (liens) uas muab ntaus rau nws lub tsev. Qhov nyiaj muab tau los ntawm tus tswv cuab cov cuab yeej cuab tam yuav muab rov qab rau qhov kev pab cuam thiab muab siv mus them rau txoj kev tu lwm tus tswv cuab.

Nws yog ib qhov tseem ceeb kom nco tias lub xeev yuav tsis nrhiav kom rov them nyiaj los ntawm ib tug tswv cuab cov khoom ntiag tug thaum nws tseem tseg muaj neeg muaj txoj sia nyob rov tom qab, xws li:

- Tus txij nkawm.
- Tus me nyuam tsis tau muaj 21 xyoos.
- Tus me nyuam muaj mob xiam oob qhab los yog dig muag tsis hais hnuv nyoog li cas.

Qhov nyiaj them rov qab yog muab tom qab tus tswv cuab los yog tus txij nkawm nws tseg rau tom qab tas txoj sia nkaus xwb los yog, muaj qeev zaum, muab los ntawm ib daim ntawv muaj cai yuav tus tswv cuab lub tsev. Yuav tsis muab cov ntauv muaj cai yuav qhov khoom los mus hais kom tau cov tsev ntawm cov tswv cuab uas lawv tseem nyob hauv lub zej zos.

Yuav tau them rau Qhov Mus Muab Nyiaj Rov Qab Los Ntawm Tej Cuab Yeej Cuab Tam tom qab them tas lwm yam nuj nqis raws li tus qauv kev cai cov txheej txheem. Cov nuj nqis them ua ntej them rau qhov Kev Mus Muab Nyiaj Rov Qab Los Ntawm Tej Cuab Yeej Cuab Tam muaj xws li:

- Cov nuj nqis ntawm txoj kev tswj hwm qhov cuab yeej cuab tam, nrog rau kws lij choj tej nuj nqis.
- Tsev txias (tsev pam tuag) tej nuj nqis.
- Cov nuj nqis ntawm tus mob zaum kawg, yog muaj, uas tsis tau them rau los ntawm Medicaid, BadgerCare Plus, los yog WCDP.

Tsab Cai Cov Kev Pauv

Pib txij lub 8 Hlis (August) tim 1, 2014, qeev yam khoom muaj nqis (assets) thiab cov kev pab (services) tshiab tam sim no yuav yog ib feem ntawm Qhov Mus Muab Nyiaj Rov Qab Los Ntawm Tej Cuab Yeej Cuab Tam. Cov lus txhais muaj nyob rau ntawm phab 3 ntawm *Daim Ntawv Qhia Paub* no.

Khoom Muaj Nqis

Cov khoom muaj nqis nram qab no tam sim no yuav yog ib feem ntawm Qhov Mus Muab Nyiaj Rov Qab Los Ntawm Tej Cuab Yeej Cuab Tam:

- **Koom Ua Tus Tuav Qhov Khoom Ntiag Tug (Joint Tenancy Property)**
Yuav mus muab qhov nyiaj them rov qab (rau xeev) los ntawm cov koom ua tus tuav uas tsim muaj rau thaum thiab tom qab lub 8 Hlis (August) tim 1, 2014 tom qab tus tswv cuab tas sim neej. Yuav mus muab qhov nyiaj them rov qab los ntawm cov nyiaj ntawm qhov khoom ntiag tug uas tus tswv cuab muaj rau thaum lub sij hawm nws tas sim neej. Tsab Cai (Tax Equity and Fiscal Responsibility Act of 1982, TEFRA) cov ntawv muaj cai yuav qhov khoom (liens) yuav muab mus hais kom tau cov tsev uas koom ua tus tswv tuav thiab yuav mus muab qhov nyiaj them rov qab los ntawm cov nyiaj koom as-khauj (joint accounts) hauv cov tuam txhab tso nyiaj, txawm qhov koom ua tus tuav tau tsim muaj thaum twg los xij.

- **Lub Neej Tseem Muaj Txoj Sia Nyob Tej Cuab Yeej Cuab Tam (Life Estates)**

Yuav mus muab qhov nyiaj them rov qab (rau xeev) los ntawm ib tug tuav muaj rau hauv lub neej tej cuab yeej cuab tam (life tenant's interest in life estates) uas tsim muaj rau thaum thiab tom qab lub 8 Hlis (August) tim 1, 2014.

- **Ntawv Tuav Pov Hwm Lub Neej (Life Insurance Policies)**

Yuav mus muab qhov nyiaj them rov qab (rau xeev) los ntawm ib tus tswv cuab daim ntawv tuav pov hwm lub neej uas tsim muaj rau thaum thiab tom qab lub 8 Hlis (August) tim 1, 2014, txawm leej twg yog tus muaj npe tau txais qhov nyiaj tom qab tus tswv cuab tas txoj sia los xij.

- **Txij Nkawm Khoom Ntiag Tug (Marital Property)**

Yuav mus muab qhov nyiaj them rov qab (rau xeev) los ntawm 50 feem pua ntawm tus txij nkawm tseem muaj txoj sia nyob qhov cuab yeej cuab tam (estate).

- **Cov Ntawv Tuav Khoom Ntiag Tug Rau Lwm Tus Uas Rho Tawm Tau (Revocable Trusts)**

Yuav mus muab qhov nyiaj them rov qab (rau xeev) los ntawm cov ntawv tuav qhov khoom ntiag tug rau lwm tus uas rho tawm tau uas tsim muaj rau thaum thiab tom qab lub 8 Hlis (August) tim 1, 2014 tom qab tus tswv cuab tas sim neej. TEFRA ib daim ntawv muaj cai yuav qhov khoom (lien) yuav muab siv mus yuav ib lub tsev hauv qhov tuav khoom ntiag tug rau lwm tus uas rho tawm tau (revocable trust) tsis hais yuav yog thaum twg uas qhov tuav khoom ntiag tug rau lwm tus (trust) tau tsim muaj los.

- **Tsab Cai Tax Equity and Fiscal Responsibility Act of 1982 Cov Ntawv Muaj Cai Yuav Qhov Khoom (Tax Equity and Fiscal Responsibility Act of 1982 Liens)**

Yuav mus muab qhov nyiaj them rov qab (rau xeev) los ntawm TEFRA cov ntawv muaj cai yuav qhov khoom uas muab ntaus rau cov khoom ntiag tug ntawm lub neej (life estates) uas tsim muaj rau thaum thiab tom qab lub 8 Hlis (August) tim 1, 2014.

- **Lwm Yam Khoom Ntiag Tus Tsis Nyob Hauv Kev Faib Raws Cai (Other Non-probate Property)**

Yuav mus muab qhov nyiaj them rov qab (rau xeev) los ntawm yam khoom ntiag tug tsis nyob hauv kev faib raws cai (non-probate property) uas tsis tau teev rau saum no rau ib tug tswv cuab twg uas tas sim neej rau thaum thiab tom qab lub 8 Hlis (August) tim 1, 2014.

Cov khoom muaj nqis no yuav muab siv ua qhov nyiaj them rov qab ntawm cov tswv cuab uas tas sim neej rau thaum thiab tom qab lub 8 Hlis (August) tim 1, 2014.

Cov Kev Pab

Tus nqis ntawm cov kev pab hauv qab no tam sim no yuav muab nrog qhov nyiaj uas Qhov Mus Muab Nyiaj Rov Qab Los Ntawm Tej Cuab Yeej Cuab Tam yuav nrhiav kom them rov qab rau:

- **Tag nrho cov kev pab tau txais thaum koom rau hauv ib qhov kev pab tu mus sij hawm ntev**
Yuav mus muab qhov nyiaj them rov qab (rau xeev) rau tag nrho cov kev pab tau txais rau thaum thiab tom qab lub 8 Hlis (August) tim 1, 2014, los ntawm ib tug tswv cuab hnuv nyoog 55 xyoos thiab laus dua uas koom rau hauv ib qhov kev pab tu mus sij hawm ntev. Qhov no xam cov tswv cuab uas koom rau hauv cov kev pab cuam tau tso cai ua rau hauv tsev thiab hauv zej zos, thiab qhov Program of All-Inclusive Care for the Elderly (PACE).
- **Cov nyiaj them raws neeg (Capitation payments)**
Yuav mus muab qhov nyiaj them rov qab (rau xeev) rau tag nrho qhov nyiaj them raws neeg uas tau muab them rau ib lub koom txoos tswj kev tu mob (managed care organization, MCO) pib txij lub 8 Hlis (August) tim 1, 2014, rau ib tug tswv cuab uas koom rau hauv ib qhov kev pab tu mus sij hawm ntev.

Qhov nyiaj them rov qab (rau xeev) ntawm cov kev pab no siv rau cov kev pab uas tau txais thiab cov nyiaj them raws neeg uas muab them rau thaum thiab tom qab rau lub 8 Hlis (August) tim 1, 2014, rau ib tug tswv cuab twg uas muaj hnuv nyoog 55 xyoos thiab laus dua uas koom rau hauv ib qhov kev pab tu mus sij hawm ntev. Cov kev pab tu mus sij

hawm ntev yog xam tag nrho cov kev pab cuam ua rau hauv tsev thiab hauv zej zos thiab PACE.

Rho Npe Tawm Ntawm Kev Pab Cuam (Program Disenrollment)

Cov tswv cuab yuav tau hu rau qhov chaw teev hauv qab no **ua ntej lub 7 Hlis (July) tim 18, 2014** hais txog lawv qhov kev pab cuam kom tau tswv yim pab yog hais tias lawv tsis xav kom them nyiaj rau cov kev pab tshiab thiab yuav tau rho npe tawm ntawm lawv qhov kev pab cuam mus. Qhov no yuav pub sij hawm rau muab tej ntaub ntawv tau txais kev pab kaw cia thiab rho npe tawm hauv Wisconsin Medicaid, BadgerCare Plus, los yog WCDP mus ua ntej tsab cai tswj tshiab pib ua hauj lwm:

- Medicaid — Hu rau qhov chaw pab cov laus (Aging and Disability Resource Center, ADRC).
- BadgerCare Plus — Hu rau koj qhov chaw khiav hauj lwm muab kev pab rau koj.
- WCDP — Hu rau qhov chaw pab cov tswv cuab (Member Services) ntawm 1-800-362-3002.

Yog Xav Pau Ntxiv

Daim Ntawv Qhia Paub no muab lus qhia paub txog cov kev pauv nyuam qhuav dhau los no rau ntawm Qhov Mus Muab Nyiaj Rov Qab Los Ntawm Tej Cuab Yeej Cuab Tam. Phau me nyuam ntawv muaj npe tias “Wisconsin Medicaid Estate Recovery Program,” muab lus qhia ntau dua thiab mus nrhiav tau ib daim nyob rau ntawm Department of Health Services (DHS) lub Web site ntawm www.dhs.wisconsin.gov/medicaid/recpubs/erp/p_13032.htm. Yog koj muaj lus nug dab tsi, hu rau qhov chaw pab cov tswv cuab (Member Services) ntawm 1-800-362-3002.

Cov Lus Txhais (Definitions)

Cov Nyiaj Them Raws Neeg (Capitation Payments)

Cov nyiaj them raws neeg yog them raws ib tug tswv cuab, tsis yog them raws ib qhov kev muab los pab. Cov koom txoos tswj kev tu mob tau txais nyiaj them txhua hli rau ib tug tswv cuab uas muaj npe tau txais kev pab hauv ib daim phiaj npaj kho mob (health plan). Yog hais tias ib tug tswv

cuab tau txais kev pab tu hauv ib qhov kev pab cuam tau tso cai ua rau hauv tsev thiab hauv zej zos los yog PACE, lub MCO tau txais nyiaj txhua hli them raws neeg rau txhua tus tswv cuab uas muaj npe tau txais kev pab.

Sib Koom Khoom Ntiag Tug (Joint Property)

Nws muaj ob hom kev koom khoom ntiag tug loj, xws li:

1. Kev Sib Koom Ua Tus Tuav (Joint Tenancy).
2. Kev Sib Cog Tuav (Tenancy in Common).

Nyob hauv kev sib koom ua tus tuav (joint tenancy), yog muaj ob tug neeg muaj npe nyob ntawm daim ntawv ntawm qhov khoom ntiag tug ua cov sib koom tuav (deed), txhua tus tau 100 feem pua ua tus tswv ntawm qhov khoom ntawd. Txawm yuav muaj tsawg leej muaj npe nyob ntawm daim ntawv los, txhua tus neeg yuav tau qhov khoom faib sib npaug zos. Thaum ib tug tas sim neej lawm, tus tseem muaj txoj sia nyob cia li yog tus tswv ntawm qhov khoom kiag xwb. Qhov kev sib koom ua tus tuav muab “txoj cai ntawm tus muaj txoj sia nyob” (right of survivorship) rau txhua tus uas cov tseem muaj txoj sia nyob tau txais 100 feem pua ntawm qhov khoom ntiag tug. Thaum tshuav ib leeg muaj txoj sia nyob lawm xwb ces, nws yog tus tau tag nrho cov cuab yeej cuab tam ces qhov sib koom ua tus tswv ploj mus tsis muaj ntxiv lawm.

Kev sib cog tuav (tenancy in common) muab ntau feem pua ntawm qhov ua tus tswv muaj cai tau txais cov khoom tso tseg ntawm txhua tus tuav qhov khoom ntawd. Qhov ua tus tswv cov feem pua tej zaum koj yog sib npaug, xws li yog 50/50, los yog tsis sib npaug, xws li yog 60/40. Tsis zoo li qhov sib koom ua tus tuav, qhov sib cog tuav no tsis muab “txoj cai ntawm tus muaj txoj sia nyob” (right of survivorship) rau lwm cov. Yog li, tsis muaj lwm tus sib cog tuav (tenant in common) yuav tau txais ib feem ntawm qhov khoom ntiag tug thaum tus sib cog tuav tas sim neej; ces, qhov feem pua ntawm qhov khoom ntiag tug poob mus ua ib feem ntawg tus tuag qhov cuab yeej cuab tam.

Lub Neej Tseem Muaj Txoj Sia Nyob Tej Cuab Yeej Cuab Tam (Life Estates)

Lub neej tseem muaj txoj sia nyob qhov cuab yeej cuab tam tsim muaj thaum ib tug tswv ntawm qhov khoom ntiag tug hloov qhov ua tus tswv ntawm qhov khoom mus rau lwm tus (raws li paub yog hu ua tus neeg kawg (remainderman)) thiab nws tuav txoj cai kom tau nyob rau hauv thiab tau txais phaj tshab los ntawm lub tsev, xws li tau txais cov nyiaj xoj lub tsev. Tus tuav tseem muaj txoj sia nyob (life tenant) feem pua ntawm qhov nyiaj yog muab los txiav txim siv Medicaid qhov ntsuas seb yuav muaj txoj sia nyob mus ntev npaum cas (Medicaid life expectancy tables) thaum lub sij hawm tsim muaj qhov lub neej tseem muaj txoj sia nyob qhov cuab yeej cuab tam. Qhov seem ntawm qhov nyiaj poob rau tus neeg kawg yog tus tswv (piv txwv, ib tug me nyuam los yog cov me nyuam). Thaum tus tuav tseem muaj txoj sia nyob (life tenant) tas sim neej, tag nrho qhov khoom ntiag tug poob mus rau tus neeg kawg.

Kev Pab Tu Mus Sij Hawm Ntev

Cov kev pab tu mus sij hawm ntev muaj cov kev pab cuam tau tso cai ua rau hauv tsev thiab hauv zej zos, xws li:

- Brain Injury Waiver Program.
- Community Integration Program(s).
- Community Opportunities and Recovery Program.
- Community Options Program — Waiver.
- Community Supported Living Arrangements.
- Family Care.
- Family Care Partnership.
- Include, Respect, I Self-Direct (IRIS).
- Program of All-Inclusive Care for the Elderly.

Qhov muab teev saum no no tsis tau yog tag nrho cov kev pab tu mus sij hawm ntev thiab yuav muaj pauv uas tsis tas ceeb toom kom paub ua ntej.

Ntawv Muaj Cai Yuav Qhov Khoom (Lien)

Ib daim ntawv muaj cai yuav qhov khoom yog pov thawj ntawm ib qhov nuj nqis tsis tau them los yog ib qhov yuav tsum tau ua uas muab ua mus tuav ib qhov khoom ntiag tug nrog rau Register of Deeds. Nws zoo ib yam li cov nyiaj txais yuav tsev (mortgage) uas nws yog ib qhov nuj nqis tsis tau

them uas yuav tsum tau them thaum muab qhov khoom ntiag tug muag. Nws tsis muaj dab tsi cuam tshuam rau qhov ua tus tswv ntawm qhov khoom. Nws tsis yuam kom tus tswv cuab yuav tsum muag nws lub tsev.

Ntawv Tuav Pov Hwm Lub Neej (Life Insurance Policies)

Ib daim ntawv tuav pov hwm lub neej yog ib daim ntawv cog lus nrog rau ib lub tuam txhab muab ntawv tuav pov hwm. Hauv qhov sib pauv rau cov nyiaj them (premiums), lub tuam txhab muab ntawv tuav pov hwm yuav them ib pob nyiaj, raws li paub yog kev tuag cov nyiaj them (death benefit), rau cov muaj npe tau txais qhov nyiaj thaum tus muaj daim ntawv tuav pov hwm tas sim neej.

Txij Nkawm Khoom Ntiag Tug (Marital Property)

Txij nkawm khoom ntiag tug yog tej khoom ntiag tug uas ib khub niam txiv sib yuav raws cai yog tus tswv. Qhov ua tus tswv ntawm txij nkawm khoom ntiag tug kiag ua ntej tas sim neej yog raug txwv mus rau ib nrab (one-half). Qhov no yog raws nkaus li txoj kev muab tso kom yog (classification) ntawm cov khoom ntiag tug ntawm cov txij nkawm raws li xeev tsab cai lij choj (s. 766.31, Wis. Stats.).

Khoom Ntiag Tug Tsis Nyob Hauv Kev Faib Raws Cai (Non-probate Property)

Khoom ntiag tug tsis nyob hauv kev sib faib yog khoom uas nyob sab nraud ntawm ib tug neeg cov cuabyeej cuab tam. Qhov no txhais hais tias qho khoom ntiag tug tsis mus rau hauv kev sib faib raws cai (probate) ua ntej muab qhov khoom pauv mus rau tus neeg uas muaj cai tau txais qhov khoom. Cov khoom ntiag tug tsis nyob hauv kev sib faib muaj xws li, tab sis kuj tsis tas rau, lub neej tseem muaj txoj sia nyob cov cuab yeej cuab tam (life estates), khoom ntiag tug ntawm kev sib koom ua tus tuav (joint tenancy), ntawv tuav pov hwm lub neej, feem ntau ntawm cov khoom ntiag tug tuav rau lwm tus (trusts), thiab cov khoom ntiag tug uas them tau thaum tas txoj sia (payable-on-death) los yog hloov thaum tas txoj sia (transfer-on-death) rau ib tug muaj npe tau txais qhov khoom (beneficiary).

Kev Faib Khoom Raws Cai (Probate)

Tus txheej txheem raws cai uas raws li paub yog kev sib faib khoom uas yog muab ib tug neeg tej cuab yeej cuab tam faib rau cov neeg tshuav lawv nqi (creditors), cov neeg muaj cai tau txais qhov khoom (heirs), thiab cov muaj npe tau txais qhov khoom (beneficiaries). Cov neeg tshuav lawv nqi tsib kom muab cov cuab yeej cuam tas them rau cov nyiaj uas tshuav lawv nqi. Tab sis yuav tau them rau lub xeev ua ntej them rau feem coob ntawm cov neeg tshuav lawv nqi. Thiab them rau lub xeev thiab cov neeg tshuav lawv nqi ua ntej muab faib rau cov muaj cai los yog muaj npe tau txais txawm yuav muaj ib daim ntawv sau faib cuab yeej cuab tam (will) los tsis muaj.

Cov Ntawv Tuav Khoom Ntiag Tug Rau Lwm Tus Uas Rho Tawm Tau (Revocable Trusts)

Daim ntawv no yog ib daim ua raws cai uas ib tug neeg muaj cai tuav ib qhov khoom ntiag tug rau lwm tus. Tej zaum kuj muab hu tias yog daim ntawv tuav lub neej (living trust), ib daim ntawv tuav khoom rho tawm tau yog ib daim tsim muaj los ntawm ib tug neeg uas xav kom muaj rab peev xwm los mus pauv cov lus hais nyob hauv nws daim ntawv (trust).

Mus muab tsis tau qhov nyiaj them rov qab los ntawm cov ntawv tuav khoom ntiag tug uas rho tawm tsis tau (irrevocable trusts), tshwj cov uas tau muab cob (assigned) rau ib lub tsev txias (tsev pam tuag) lawm xwb. Xeev tsab cai lij choj (s. 49.47(4)(cm), Wis. Stats.) hais tias cov ntawv tuav khoom ntiag tug uas rho tawm tsis tau (irrevocable trusts) yuav tsum muaj qhov hais meej tias DHS yog tus thib ob tau txais cov nyiaj seem tom qab them cov nqi faus tus neeg tas.

TEFRA Cov Ntawv Muaj Cai Yuav Qhov Khoom (Liens)

Qhov Mus Muab Nyiaj Rov Qab Los Ntawm Tej Cuab Yeej Cuab Tam siv ob hom ntawv muaj cai yuav qhov khoom (liens):

1. Cov ntawv muaj cai yuav qhov khoom ua ntej tam sim neej yog muab mus tsuam rau cov tsev ntawm Medicaid cov tswv cuab uas tseem muaj txoj sia nyob uas raug txiav txim tau tias yuav mus nyob hauv cov tuam tsev

pab tu mus li (permanently institutionalized) es yuav tsis roov qab los tsev lawm. Hom ntawv muaj cai yuav qhov khoom no muab hu ua TEFRA ntawv muaj cai yuav qhov khoom vim nws yuav tsum tau ua raws nraim li cov cai tswj nyob hauv tsab cai Tax Equity and Fiscal Responsibility Act of 1982.

2. Cov ntawv muaj cai yuav qhov khoom tom qab tas sim neej, uas kheev yog ib feem ntawm txoj kev faib khoom raws cai tus txheej txheem (probate process).